

1756 тонна ормд 2500 тонн

ТЕМС ӨГХМН

Прикаспийск загъсна кон-сервн комбинатин темснә совхозин коллектив 1958 джил 200 гектар газрт темс тәрх даалгъвр авцхасмн. 140 гектар үлү газрт помидор, наадк газртнь теджәлин олн зүсн талдан нертә темсн тәргдв.

Темснә көдлмшт 24 звенота 5 бригад бүрдәгдв. Эн бригадин тоод сургъульчнр 4 звено нег производственн бригад болдж батлгдв. Бригадиг болн звеносиг темс тәрлгънә эв-аргъин медрлтә, дамшлтта улс гардджана.

Шидрхн болсн хургтан өөдән ургъц авх болдж эн бригадмуд даалгъвр авцхав. Зурагъар 1756 тонн помидор өгхин ормд эдн 2500 тонн өгх даалгъвр авцхав. Июнин 15-с авн, эрт тәрсн хавст болн

агъурцган таслдж орулдж өгх болдж даалгъвр авцхав.

Коллективд үлгүр болмар темсән асрдж, хәләджәх үр Шаповаловин звено өдрә кем-джәгъән 150 процент күцәнә. Эдү метәр үүрмүд Бадмаевин болн В. Пышенкон звенос өдрә зурагъан 140 процент күргдж күцәцхәнә.

Темснә ургъциг хәләдж, асрджах көдлмшлә дахулдж, ургъц хурадж зөөх яршг яслгъна көдлмшиг оданас авн эклдж кеджәнә. Помидор зөөх яршг яслгънд нег звено бүрдәгдв.

Авсн даалгъвран күцәхих төлә темснә көдләчнр цуг чидлән, эв-аргъан олзлдж зүткдж көдлджәцхәнә.

С-Г. ГОШЕНДАНОВ.